

Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

116. Profitetur scripto chirographo, spem omnem suam in Christo
Crucifixo esse, dum vitam laboribus plenam ob Christi amorem adgreditur,
Paulus Camers, Italus.

Nutzungsbedingungen

[urn:nbn:de:hbz:466:1-55449](#)

AMATRIX CRVCIFIXI. 199
dit: dein addita mortuo tertia: exani-
me corpus in mare devolvunt.

Hic exitus Alfonsum verum CRV-
CIFIXI Amatorem ad CHRISTVM
Triumphantem eveyit. Mare, Aët, Ter-
ra, applausile videri potuerunt, & tan-
tae virtuti testimonium dare. Mare de-
mersi per Sicarios corporis vulnera non
attigit: adeò triduo post recentissima
sunt visa: eductum ex undis conspecti
per auram splendores illustravere. At
Sicariorum artus pestilens absumpit
ignis.

Francisc. Sacchinus in Hist. Societ. p. 2. lib 2.
a num. 174. Iacobus Damianus in Synopsis Societ.
lib. 2. cap. 2. §. 2.

VI.

AMATOR CRVCIFIXI

Profitetur scripto chirographo, spem
omnem suam in Christo Crucifixo
esse, dum vitam laboribus plenam,
ob Christi amorem aggreditur.

NON in operibus bonis, quæ fecit, 116.
facietque; non in meritis suis qui-
bus, per divinam gratiam abundat, aur
abundabit; non in humanis ullis quo-
rumcumque subsidiis, quibus frui lice-
bit, sed omnem spem fiduciamque suam
ponit

PAVLVS
CAMERS
Italus.

ponit in JESV CHRISTO PASSO & CRV-
CIFIXO serius illius Amator. Qualis in-
ter plurimos in Societate JESV fuit.

PAVLVS CAMERS, quo parente læta-
tur jure Collegium Goanum apud In-
dos, & gaudet Italia, de progenie sua
fuisse tanti operis molitorem. Anno
M D. XL. ante confirmatam, auctore
Pontifice, Societatem, cùm è primis
Patribus duo mitterentur in Indiam,
Paulus adjutorem se, ac veluti famu-
lum eorum (tantâ modestiâ & submis-
sione erat) adjunxit, edito hoc chiro-
grapho:

„ EGO Paulus Baptista filius, Sacer-
„ dos è diœcesi Camerinensi profiteor,
„ SPEM MEAM OMNEM repositam esse in
„ DOMINO NOSTRO JESV CHRISTO,
„ CRVCIFIXO, cui servire in perpetuâ
„ castitate, ac paupertate decrevi. Item-
„ que pro amore ac reverentiâ ejus,
„ certa est mea sententia, firmumq; pro-
„ positum, servire Magistro Simoni Ro-
„ derico, & Socio, qui mandato Pontifi-
„ cis, postulante Oratore Catholici Re-
„ gis Lusitaniæ proficiscuntur in Indiâ.
„ (Is fuit deinde S. Franciscus Xavier.)

„ Itaque ab eo cum eis, non ut So-
„ cius, sed, ut illis in eorum usibus in-
„ serviam sponte meâ, & ex amore Do-
„ mini Nostri JESV CHRISTI CRVCI-
„ FIXI, sperans de Majestate ejus divi-

CVLTRIX CRVCIFIXI. 201

,, nā, Magistrum Simonem ac Socium,
,, quos prædixi, imperaturos mihi sic in
,, Indiā, ut ego quoque ad miseram il-
,, lam, Dei notitiā, destitutam gentem
,, aliquid proficiam. Quod cūm ita sit,
,, egoque sic sperem melius me Domi-
,, no Deo serviturum, in veritatis fi-
,, dem, certumque hujus consilii mei
,, testimonium, chirographum hoc feci.
,, Romæ iv. Martii, Anno salutis hu-
,, manæ M. D. XL.

Hoc armatu commeatuque humili-
mæ caritatis munitus & instructus Pa-
lus cum Roderico præcessit in Lusita-
niam. Inde cum Xaverio in Indiam vela
fecit. Goæ subsistere jussus, in Societa-
tem receptus, Collegio ac Seminario, &
Sociis etiam per Indiam sparsis, inter-
dum cum potestate præpositus, multis
annis ea fecit, ac docuit, ut quamvis
ipse Goā nunquam pedem efferret, ta-
men latissime ejus nomen, ac virtus
pervagaretur, nihiloque minus latè, per
undique dimissos discipulos suos CRI-
STO DOMINO CRVCIFIXO inserviret, &
überem animarum segetem procrearet.
Erat verò pauper spiritu, pauperum a-
micus, incessu & sermone & vitæ actio-
ne simplex, & mortificatus (id est CRV-
CIFIXVS) ut de illo paucis ante migratio-
nem diebus scripsit Melchior Nunnus.

Eam autem præcessit, ad cumulan-

dam Viri gloriam , diurnus languor,
in quo mirè CRVCIS Amator omnes o-
dore virtutum suarum & animi tran-
quillitate inhabitantis in suo templo
DEI pacis indice recreavit ; sicque ad
optimos bonorum laborum fructus , &
ad diurnarum præmia ærumnarum
obitu lenissimo transiit, Anno M. D. LX.
duodecimo Kal. Februarias.

*Francisc. Sacchinus Histor. Societ. part. 2. l. 4.
a num. 236.*

VII.

AMATOR CRVCIFIXI

*In itineribus quibuscumque , terraque
marique defert secum Crucifixum , è
ligno, similive materiâ, ad osculan-
dum & honorandum.*

*Caveat autem profanus, ne, vel curioso
oculorum jactu , vel alio irreverentis
animi signo offendat Crucifixum.
Secus facientes vindictam sentiunt ,
inimici Crucis.*

I17.
PATRES
FLORIDÆ
Cultores.

VTRVMQVE unâ discimus narratio-
ne diversos complectente, amicos
æquè ac inimicos CRVCIFIXI , & inter
hos proditorem , ceu Iudam , deterri-
mum.

ANNO